

## Language Canaanite Comb Post

مبارح تم الإعلان عن مشط ٢ × ٣ سم مكتوب عليه ١٧ حرف كنعاني، كل حرف بين ١ و ٣ مم. وفي عليه قمل.

هل اكتشاف صار من قبل الإسرائيليين بفلسطين المحتلة.

الأحرف هني: ي ت ش ح ط ذ ل ق م ل ش ع ؟ و ز ق ت

الكلمات بل كنعاني القديم هني: يتش ح ط ذ ل قمل شعر و ز ق ت

الكلمات بالبناني هني: ينتش [ال] عاج هيدا ل قمل [من] [ال] شعر و [ال] دقن

شو من لاحظ؟

في ٤ كلمات من أصل ٥ بعدنا منستعملن هني زاتن: الفعل نتش، والمفردات قمل وشعر ودقن\*، علمًا إنو بالمعاجم الكنعاني في آلاف الكلمات العمر ٣٠٠٠ وحتى ٤٥٠٠ سني بعدا قيد التداول بالمشرق.

\* كلمة "دقن" مذكورة بأوغاريت على شكل "دقن"، ومذكورة هون على شكل "زقت" (التاء كانت محل النون؛ والذال استبدلت بالذال أو بالزين)

ما تنسوا انو الإنكليز عندن صعوبي يفهموا شايكسبير يلي عمرو ٣٠٠ سني، هون عنحكي عن ٣٧٠٠ سنة!

والاهم هو بالقوعد اللغوي:

- الياء: ياء الأمر: مثل "ينقبر يفل!" هي ذاتها

- الذال: ذا: دا: "دي" عند العرب والمصاروي، والموقع بعد الاسم، مثل حاليًا: ليك هالزلمي هيدا. وهذا بالعربي. وعفكرا those these that this the بالإنكليزي (صدفة؟). وفي "هء" بالكنعاني القديم للدلالة ع شي: متلاً: هالصبي.

- اللام: لام التعريف (مشتركي مع العراق القديم)، ال التعريف بالعربي كمان، وعفكرا les la le بالفرنساوي (صدفة؟)

- الواو: حرف العطف، بالبناني، وبالعربي كمان.

شو الخلاصة؟

يلي منحكي وموجود بالعربي وبالسرياني، مش معناتو عنحكي عربي او سرياني، مع احترامنا للغتين ولعطاءتن الرائعة. وما عنحكي لبناني لأن كمان بسوريا وفلسطين وغرب الأردن ذات اللغة.

نحننا تخطينا ضرورة انو نبرهن علميًا إنو عنحكي كنعاني،\* بس هيك خبرية اجت "شحمة ع فطيرة" للإضاءة عالموضوع.

\* "كنعاني" يعني يَلِي سموا اليونانيي والغرب "فينيقي" وسموا اليهود والشرق "آرامي".

مع محبتي لجميع الأصدقاء وإصراري على احترامي لشعورن وقناعاتن يلي هني حرّين فيا.

[https://jjar.huji.ac.il/sites/default/files/jjar/files/jjar2\\_art4\\_lachish\\_p76-119\\_2022-10-12\\_01.pdf](https://jjar.huji.ac.il/sites/default/files/jjar/files/jjar2_art4_lachish_p76-119_2022-10-12_01.pdf)

<https://jerseyeveningpost.com/morenews/worldnews/2022/11/09/archaeologists-find-oldest-known-full-sentence-in-canaanite-script-on-comb/>